

# Platt partu:

## Plattpartu-Rundbreef 2021-10

### Musselischer

De Fischerslüüd schallt Musseln fischen,  
man later nich mit Fusseln mischen!  
Denn wenn du Fusseln pulen muttst,  
de Musseln bloots mit Mulen putzt!

Moinmoin, leve plattdüütsche Maten un Frünnen!

Nu hebbt wi wedder en hilden Maand överstahn, un de Bundsdagswahl is ok in'n Kassen, puh! Weer ja nich mehr uttoholen. Natüürlich weer ok bi Plattpartu de aktuelle Politik dat Thema, Behrend Böckmann sorgt sik üm de Tokumst vun uns Demokratie un kiekt bi de stinkrieken Weltruumtouristen un bi FFF achter de Kulissen, gifft avers ok an'n Dag vun'e düütsche Spraak dat "Germish" en Bashing. Hannes Frahm belücht, woans de Bahn vör de Hunnen geht, utrekent in Verkehrswenn-Tieden; de 11. September 2001 jöhrt sik; Günter Schiller lööst politische Verbohrtheit mit Humor; un in mien Notizbook geht dat dwars dör'n Goorn -- wenn so veel los is, kannst nich krüüsch ween. Un dat geht ja noch wieder...

En anner Thema, dat düssen Maand bi Plattpartu so'n beten domineert, weer -- ganz unvermodens -- Goethe. De Klassikers hebbt wi ja al en poor Maand bi'n Wickel; tofällig harr ik för dat Septemberbild vun Hildegard Tölke al en Goethe-Vers utwählt un överdragen, wioldat de so fein passen dä; un nu hett Katja Renfert, uns Spüürnees för Skulpturen, sik den "Erlkönig" vörnahmen un ehr Überdragen mit Fotos vun en grandiose Plastik vun Ursula Querner verbunnen. Dat Echo keem bald: Ludgerd Lüske schick en egen Überdragen in sien Südollnborger Platt. Nimmt dat denn noch wunner, dat Behrend Böckmann "Wannerers Nachtleed" överdragen dä? Un ok dor is de Fahnenstang ja noch lang nich to Enn. Dat geht wieder...

De "anner Aktualität", de jümmers mitlöppt, is de Natuur. Anke Nissen stellt wedder giftig Pflanzen vör, de Hahn deit sien Plicht op'n Höhnerhoff, un dat Natuurnotizbook is noch eenmal vull; sachs warrt dat ruhiger warrn -- leider. Orr hebbt **Se** frische Beobachten un Fotos, de Se delen wüllt? Denn man jümmers her dormit!

Op uns' Geschichtenvertellers is Verlaat, se vertelt vun plietsche Lü, bedregersche Melkbuurn, drinkfaste Jungmatrosen un unvergänglich Fründschap. De Harder ut Psalm 23 giff uns dat Leit op den Weg. Un opletzt schickt uns de Septembermaand op den Padd na dat schöne Aarndankfest, dat düsse fröhe Harvsttied överstrahlt.

Nu wünsch ik Se all en wunnerschöne Harvsttied, leve Maten! Wi leest uns wedder -- upps! so gau geiht dat: in'n Nevelmaand.

---

Nu de Linkliste. Op de Links bruukt Se bloots klicken, dat Se henkaamt.

### **Plattdüütsch Künst:**

Nachtlied för'n Wannersmann. Überdragen vun Behrendt Böckmann (30.9.)

Dei Elvkäönig. Überdragen vun Ludgerd Lüske (19.9.)

Notizen ut'n Hornung. Fotos un Verse vun Marlou Lessing (9.9.)

De Erlikönig. Ballade vun Goethe, överdragen un mit Fotos vun Katja Renfert (5.9.)

Mit Biller dör't Johr: September. Biller vun Hildegard Tölke, Verse vun Goethe, överdragen vun Marlou Lessing (2.9.)

### **De Welt un Gott:**

Togahn op Aarndank. Vun Marlou Lessing (30.9.)

Oprohr an'n Stammdisch. Vun Günter Schiller (30.9.)

Seemannsgarn: Matrosenbreef. Vun Günter Sohnemann (27.9.)

Billiger geiht dat nich! Vun Heinz Tiekötter (26.9.)

Dicke Frünnen. Vun Fidi Ehlbeck (26.9.)

Fiete Lüttenhus: Klaas Stöhr sien beste Koh. Vun Friedrich Schnoor (5.9.)

In't Lütte Gebeedbauk:

De Herr is mien Harder. Vun Behrend Böckmann (19.9.)

Ground Zero. Vun Marlou Lessing (11.9.)

### **Natuur un Wetenschap:**

Toxisch Planten: Eisenhoot un Giftbeere. Vun Anke Nissen (30.9.)

In't aktuelle Naturnotizbook:

- Huch, Stickeln op de Linn? Vun Joachim Kroll (12.9.)
- Dat Igelhuus. Vun Marlou Lessing (12.9.)
- Op Stippvisiet. Vun Thomas Seemann (5.9.)
- Sünnopgang. Vun Thomas Seemann (2.9.)
- Hooch wassen. Vun Katja Renfert (2.9.)

**Wat in de Welt vörgeiht:**

- Nu hemm wi ok Klima-Ikonen. Vun Behrendt Böckmann (25.9.)
- Uns Demokratie prosperiert. Vun Behrendt Böckmann (24.9.)
- Häbentouristen. Vun Behrendt Böckmann (19.9.)
- Dei Dach vun de düütsche Spraak. Vun Behrendt Böckmann (9.9.)
- Moderne Welt. Vun Hannes Frahm (5.9.)

In Marlou Lessings plattdüütsch Notizbook:

- De tödliche Witz (27.9.)
- Afbidd an Andi (24.9.)
- Wat wählen? Platt wählen! (22.9.)
- Binärer Kampfstoff (19.9.)
- Wiehnachtspost! Nu! (12.9.)
- De Wetenschapspartei (11.9.)
- Nichwählers in't Parlament? (2.9.)

**För Kinner:**

Modder Sünn ehr Kinner: Vadder Kratzefoot op'n Höhnerhoff. Märken vun Sophie Reinheimer, överdragen vun Klaas Tüxen (26.9.)

---

Hartlich gröt

Marlou Lessing un dat lütte Plattpartu-Team